

**SREDNJOROČNI PLAN RADA
UPRAVE ZA INDIREKTNO/NEIZRAVNO OPOREZIVANJE
ZA PERIOD 2016. - 2018. GODINA**

(maj, 2015.godine)

SADRŽAJ

Poglavlje 1. Strateški okvir	3
Poglavlje 2. Vizija i misija UINO	4
<i>Vizija UINO</i>	4
<i>Misija UINO</i>	4
Poglavlje 3. Učesnici i partneri	4
Poglavlje 4. Osnovna programska opredjeljenja	5
Srednjoročni cilj UINO.....	5
<i>Specifični cilj 1.1. Implementiranje efikasnog i učinkovitog prikupljanja indirektnih poreza</i>	5
<i>Program 1.1.1. Naplata indirektnih poreza</i>	5
<i>Specifični cilj 1.2. Obezbeđivanje uslova za efikasniju naplatu indirektnih poreza</i>	5
<i>Program 1.2.1. Upravljanje, održavanje i modernizacija Uprave</i>	5
<i>Specifični cilj 1.3. Osiguranje makroekonomske stabilnosti i unaprjeđenje zakonskog okvira i sistema raspodjele indirektnih poreza</i>	6
<i>Program 1.3.1. Kreiranje politike indirektnog oporezivanja</i>	6
Poglavlje 5. Resursi i kapaciteti za postizanje cilja	6
<i>Predviđeni izvori finansiranja (budžet, vanbužetska sredstva)</i>	6
<i>Jačanje organizacionih kapaciteta potrebnih za izvršenje plana</i>	6
Poglavlje 6: Okvir za praćenje provođenja plana i evaluaciju rezultata	7
<i>Definisanje ključnih pokazatelja</i>	7
<i>Metodi za prikupljanje informacija o pokazateljima</i>	7
<i>Osnovni zaključci prethodnog Izvještaja o provođenju plana rada</i>	8

Poglavlje 1. Strateški okvir

Strateški pravac razvoja Uprave za indirektno/neizravno oporezivanje (u daljem tekstu UINO) uređen je u skladu sa zakonskim propisima koji regulišu oblast indirektnih poreza i strateškim ciljevima UINO definisanim od strane Upravnog odbora.

Upravni odbor je u skladu sa članom 14. stav 1. tačka (iii) Zakona o sistemu indirektnog oporezivanja u Bosni i Hercegovini („Službeni glasnik BiH”, br. 44/03, 52/04, 34/07, 4/08, 49/09 i 32/13) nadležan za definisanje strateških ciljeva Uprave i ocjenu uspješnosti UINO u postizanju tih ciljeva.

Odlukom o postupku srednjoročnog planiranja, praćenja i izvještavanja u institucijama BiH („Službeni glasnik BiH”, broj 62/14) donesenom od strane Savjeta ministara BiH propisan je, između ostalog, postupak srednjoročnog planiranja, praćenja i izvještavanja u institucijama Bosne i Hercegovine u skladu sa nadležnostima Savjeta ministara BiH i institucija BiH utvrđenih Ustavom, zakonima i drugim propisima Bosne i Hercegovine i obaveza institucija BiH da pripreme i donesu svoj Srednjoročni plan rada.

UINO je uspostavljena 2003. godine donošenjem Zakona o sistemu indirektnog oporezivanja u Bosni i Hercegovini kao samostalna upravna organizacija i jedina institucija u Bosni i Hercegovini (BiH) nadležna za sprovođenje zakonskih propisa o indirektnom oporezivanju i politike koju utvrdi Savjet ministara BiH na prijedlog Upravnog odbora, kao i za naplatu i raspodjelu indirektnih poreza na teritoriji BiH.

Implementiranje politike indirektnog oporezivanja u Bosni i Hercegovini rezultiralo je uspostavom funkcije UINO na teritoriji BiH, donošenjem zakonskih propisa o indirektnom oporezivanju kao okvira za uspostavljanje jedinstvenog sistema indirektnog oporezivanja u BiH. Na ovaj način je obezbijedena podrška funkcionisanju jedinstvene ekonomske teritorije BiH i njenoj makroekonomskoj stabilnosti i fiskalnoj održivosti. Indirektni porezi za čiju naplatu je nadležna UINO obuhvataju uvozne i izvozne dažbine, porez na dodatu vrijednost, akcize i sve druge poreze zaračunate na robu i usluge.

UINO je pored Zakona o sistemu indirektnog oporezivanja u BiH, odgovorna i za sprovođenje drugih zakonskih propisa koji regulišu indirektnu poreze i to:

- Zakon o carinskoj politici BiH („Službeni glasnik BiH”, br. 57/04, 12/05, 51/06, 93/08, 54/10 i 76/11), koji reguliše postupak sprovođenja i izvršavanja aktivnosti iz oblasti carina, kao i osnovne elemente sistema carinske zaštite privrede BiH, prava i obaveze svih subjekata u carinskim postupcima, carinsko područje, carinsku liniju, carinski granični pojas, carinski nadzor, postupak carinjenja robe i druge institute koji regulišu sistem carinske zaštite.

- Zakon o Carinskoj tarifi („Službeni glasnik BiH”, broj 58/12) reguliše tarifnu i statističku nomenklaturu i carinsku tarifu u BiH koja podrazumijeva i carinsku stopu za uspostavljanje carinske dažbine koje se zakonski potražuju i naplaćuju na robu koja je predmet carinjenja.

- Zakon o carinskim prekršajima („Službeni glasnik BiH”, broj 88/05) uređuje carinske prekršaje koje učini pravno i fizičko lice na carinskom području BiH u primjeni Zakona o carinskoj politici BiH i propisa donesenih na osnovu tog zakona, propisuju kazne i mjere za učinjeni prekršaj i nadležnost za vođenje postupka.

- Zakon o porezu na dodatu vrijednost („Službeni glasnik BiH”, br. 9/05, 35/05 i 100/08) koji uvodi obavezu i reguliše sistem plaćanja poreza na dodatu vrijednost na teritoriji BiH.

- Zakon o postupku indirektnog oporezivanja („Službeni glasnik BiH”, br. 89/05 i 100/13), koji uređuje postupak utvrđivanja, naplate i kontrole indirektnih poreza.

- Zakon o akcizama u Bosni i Hercegovini („Službeni glasnik BiH”, br. 49/09, 49/14 i 60/14) uređuje oporezivanje prometa i uvoza određenih vrsta proizvoda (akciznih proizvoda) posebnim oblikom poreza - akcizom.

- Zakon o postupku prinudne naplate indirektnih poreza („Službeni glasnik BiH”, br. 89/05 i 62/11) uređuje postupak prinudne naplate indirektnih poreza, ostalih prihoda i taksi za koje je UINO nadležna.

- Zakon o uplatama na jedinstveni račun i raspodjeli prihoda („Službeni glasnik BiH“ , br. 55/04, 24/07 i 49/09) koji uređuje način uplate indirektnih poreza, ostalih prihoda i taksu, vođenje jedinstvenog računa, doznačavanje i raspodjelu prihoda korisnicima prihoda.

Pored zakonskih propisa iz oblasti indirektnih poreza UINO u izvršavanju poslova svog mandata primjenjuje i druge propise koji egzistiraju u pravnom sistemu Bosne i Hercegovine.

Nadležnost, organizacija, rukovođenje, prava i dužnosti zaposlenih, upravljanje ljudskim potencijalima i druga pitanja koja se odnose na funkcionisanje UINO definisana su Zakonom o Upravi za indirektno oporezivanje („Službeni glasnik BiH“ broj 89/05).

Efikasno izvršavanje poslova iz okvira mandata UINO i pružanje podrške funkcionisanju jedinstvene ekonomske teritorije u BiH omogućeno je uspostavljanjem organizacione strukture UINO na ekonomskim principima, koja je detaljnije uređena Pravilnikom o unutrašnjoj organizaciji u UINO („Službeni glasnik BiH, broj 29/13).

Poslove iz svoje nadležnosti UINO obavlja u sjedištu putem osnovnih organizacionih jedinica uspostavljenih u okviru pet sektora po operativnim oblastima djelovanja: carine, porezi, sprovođenje zakona, pružanja usluga i informacione tehnologije kao podrška jedinstvenom funkcionisanju na cijeloj teritoriji BiH, te 4 odjeljenja i Kabinet direktora i unutrašnjih organizacionih jedinica uspostavljenih u okviru osnovnih organizacionih jedinica. Izvršavanje poslova van sjedišta UINO organizovano je u okviru regionalnog centra u Banja Luci, Sarajevu, Mostaru i Tuzli i njihovih unutrašnjih organizacionih jedinica, te kroz funkcionisanje 30 carinskih ispostava i 59 carinskih referata.

UINO o izvršavanju poslova iz okvira zakonom utvrđene nadležnosti, o finansijskom stanju i provedenim aktivnostima u oblasti sprovođenja zakonskih propisa o indirektnom oporezivanju izvještava Upravni odbor.

S ciljem potpunog realizovanja utvrđene politike indirektnog oporezivanja u BiH i efikasnog sprovođenja zakonskih propisa o indirektnom oporezivanju Upravni odbor definiše strateške ciljeve i prati uspješnost UINO u njihovoj realizaciji.

Strateški cilj UINO je sprovođenje zakonskih propisa o indirektnim porezima na potpun i jednobrazan način na cijeloj teritoriji BiH, naplata prihoda od indirektnih poreza i raspodjela korisnicima prihoda.

Upravni odbor kontinuirano analizira rad UINO, prati primjenu propisa iz oblasti indirektnih poreza, prati ostvarenje finansijskih efekata i analizira zahjeve poslovne zajednice u BiH i utvrđuje prijedlog mjera koje će doprinijeti ostvarenju strateškog cilja UINO i otkloniti moguće negativne implikacije na javne prihode.

Poglavlje 2. Vizija i misija institucija

Vizija UINO je obezbjeđivanje dosljedne primjene propisa i uspostavljanje sistema indirektnih poreza u BiH u kojem UINO sa poslovnom zajednicom u BiH obezbjeđuje partnerski i zaštitnički odnos u oblasti indirektnih poreza i visok stepen poreske discipline obveznika indirektnih poreza i integriteta zaposlenih u UINO.

Misija UINO je efikasna naplata prihoda od indirektnih poreza i raspodjela korisnicima prihoda na državnom i entitetskom nivou i Brčko Distriktu u cilju doprinosa fiskalnoj održivosti BiH.

Poglavlje 3. Učesnici i partneri

UINO ne postoji samo zbog sebe i nije sama sebi cilj, već je njen osnovni zadatak da u okviru zakonom utvrđenih nadležnosti bude na usluzi svim organima, institucijama pravnim i fizičkim licima u oblasti indirektnih poreza.

U realizovanju aktivnosti iz okvira mandata UINO ključna je uloga Upravnog odbora čije nadležnosti su definisane članom 14. Zakona o sistemu indirektnog oporezivanja u BiH. Upravni odbor je, između ostalog, nadležan za utvrđivanje prijedloga politike o indirektnom oporezivanju za sprovođenje u cijeloj BIH, na čiji prijedlog politiku utvrđuje Savjet ministara BiH.

UINO saraduje sa drugim institucijama, posebno sa pravosudnim organima, policijskim agencijama i inspekcijским službama, kako bi preduprijedila ili spriječila eventualne pojavne oblike sive ekonomije i poreske evazije.

Pored saradnje sa državnim i entitetskim organima i institucijama i međunarodnim subjektima u oblasti indirektnih poreza UINO ima odgovornost i prema poslovnoj zajednici, odnosno obveznicima indirektnih poreza u smislu pružanja pomoći u primjeni propisa o indirektnim porezima i obezbjeđivanju pojednostavljenih postupaka za pouzdane poslovne subjekte u svrhu olakšavanja trgovine uz odgovarajuće kontrolne mjere. UINO ima veliku odgovornost za opštu zaštitu društva, zdravlja ljudi, zaštitu životne sredine i kulturne baštine, te sprječavanje trgovine ilegalnih i zabranjenih supstanci.

Poglavlje 4. Osnovna programska opredjeljenja

Srednjoročni cilj UINO u periodu 2016.-2018. godine je uspostava efikasnog sistema indirektnih poreza u Bosni i Hercegovini.

Od uspostave funkcije UINO i uvođenja poreza na dodatu vrijednost u BiH od 01.01.2006. godine pa dalje kroz godine funkcionisanja intencija je na razvijanju politike indirektnih poreza koja će uspostaviti funkcionisanje modernog sistema indirektnih poreza na cijeloj teritoriji BiH, sa kojim će jednako biti zadovoljni i obveznici indirektnih poreza i korisnici prihoda od indirektnih poreza.

Specifični cilj 1.1. Implementiranje efikasnog i učinkovitog prikupljanja indirektnih poreza

Funkcija UINO je usmjerena na dosljedno sprovođenje utvrđene politike indirektnih poreza i propisa o indirektnim porezima, razvijanje efikasnog sistema indirektnih poreza u kojem će kontrolna uloga UINO doprinijeti da obveznici indirektnih poreza jednako kao što ostvaruju svoja prava, izvršavaju i svoje obaveze u oblasti indirektnih poreza na zakonit i blagovremen način. Provođenje mjera otkrivanja i sprečavanja činjenja prekršaja indirektnih poreza i krivičnih djela u ovoj oblasti, provođenje mjera prinude u naplati dugovanja, te oštra kaznena politika u oblasti indirektnih poreza će doprinijeti smanjenju sive ekonomije i poreske evazije i smanjenju duga, što će doprinijeti boljoj naplati indirektnih poreza.

Program 1.1.1. Naplata indirektnih poreza

Naplata indirektnih poreza je efekat uspješnosti funkcionisanja svih segmenata u okviru utvrđene politike indirektnih poreza, počev od efikasnosti donesenog zakonskog propisa, njegove dosljedne primjene, realne projekcije naplate prihoda na godišnjem nivou, efekata kontrola, praćenja pokazatelja i uspješnosti u naplati prihoda i otkrivanju i sankcionisanju počinitelaca prekršaja i krivičnih djela u oblasti indirektnih poreza i efikasnosti svih preduzetih mjera za naplatu indirektnih poreza, uključujući ponašanje poreskih obveznika i kvalitet rada UINO.

Specifični cilj 1.2. Obezbjedivanje uslova za efikasniju naplatu indirektnih poreza

Cilj je da se obezbijede uslovi za kvalitetno funkcionisanje UINO, u normativnom i materijalno-tehničkom smislu i da se na zakonit i odgovoran način provode propisane procedure blagovremeno u propisanim rokovima, da se kreiranjem moderne carinske i poreske aplikacije unaprijede procesi rada i omogući naprednija uspostava sistema analize rizika koji će uticati na efikasno i učinkovito prikupljanje indirektnih poreza. Kontinuirano edukovanje u oblasti indirektnih poreza će obezbijediti stručan i savjestan rad uposlenih, te odgovorne obveznike indirektnih poreza što će se pozitivno odraziti na prikupljanje indirektnih poreza.

Program 1.2.1. Upravljanje, održavanje i modernizacija Uprave

Modernizacija i stavljanje u funkciju svih raspoloživih kapaciteta UINO je preduslov za uspješno realizovanje aktivnosti u okviru programa, kao i ispunjenje specifičnog cilja i u konačnici doprinos realizovanju srednjoročnog cilja UINO. Da bi se obezbijedila dosljedna primjena propisa o indirektnim porezima i stvorila mogućnost za uvođenje pojednostavljenja određenih procedura uz ispunjenje propisanih uslova, pored donošenja potrebnih podzakonskih akata potrebno je obezbijediti materijalnu i tehničku opremljenost kapaciteta UINO, izvršiti maksimalnu popunjenost sistematizovanih radnih mjesta prema Pravilniku o unutrašnjoj organizaciji u UINO i kontinuirano provoditi edukacije zaposlenih i ostalih

učesnika u postupku indirektnog oporezivanja. Na taj način će se omogućiti potpuna funkcija UINO u svim segmentima i obezbijediti uslov za razvoj bolje poslovne klime i uvođenja olakšica u poslovanju uključujući i digitalizovanje podnošenja carinske i poreske prijave, poboljšanju izvještavanja i razvijanja sistema analize rizika i sistema internih kontrola u UINO i potpuna uspostava funkcije novouspostavljenih unutrašnjih organizacionih jedinica UINO, što će se doprinijeti efikasnijoj naplati indirektnih poreza i racionalizaciji troškova poslovanja.

Specifični cilj 1.3. Osiguranje makroekonomske stabilnosti i unaprjeđenje zakonskog okvira i sistema raspodjele indirektnih poreza

Želimo da imamo ekonomski i finansijski stabilnu državu BiH sa entitetima i Brčko Distriktom. Da bi doprinijeli ostvarenju ovog cilja Upravni odbor teži ka tome da u naredne tri godine kroz do sada stečeno iskustvo i kontinuiranu analizu stanja u oblasti indirektnih poreza, sagledavajući realne mogućnosti i uticaje spoljnih faktora (političke, ekonomske, privredne i dr.), koristeći pozitivna iskustva drugih evropskih država i preporuka Međunarodnog monetarnog fonda i poštujući obaveze koje proističu iz Sporazuma o stabilizaciji i pridruživanju potpisanog između BiH i EU obezbijedi kvalitetne zakonske propise o indirektnim porezima i otkloni nedostatke uočene kroz primjenu važećih zakonskih propisa i da uspostavi bolji i kvalitetniji zakonski okvir za funkcionisanje sistema indirektnih poreza u BiH koji će doprinijeti makroekonomskoj stabilnosti BiH i pružiti podršku njenoj fiskalnoj održivosti.

Program 1.3.1. Kreiranje politike indirektnog oporezivanja

Kreiranje politike indirektnih poreza zahtijeva kontinuirano analiziranje trendova u oblasti indirektnih poreza i praćenje kretanja privrednih tokova u BiH, prilagođavanje propisa potrebama i mogućnostima kao i njihovo usklađivanje sa EU propisima, uticaj na poresku svijest obveznika indirektnih poreza i integritet zaposlenih u UINO, stvaranje kvalitetnog zakonskog okvira koji će obezbijediti uslove za implementaciju efikasnog sistema indirektnog oporezivanja i funkcionisanje UINO. S toga Upravni odbor u kreiranju, odnosno predlaganju politike indirektnih poreza analizira sve pokazatelje i postignute rezultate u svrhu iznalaženja najboljih rješenja u ovoj oblasti.

Poglavlje 5: Resursi i kapaciteti potrebni za postizanje ciljeva

- *Predviđeni izvori finansiranja (budžet, vanbužetska sredstva)*

Sredstva potrebna za realizaciju ciljeva Uprava u najvećem procentu obezbjeđuje u skladu sa Zakonom o Budžetu institucija BiH i međunarodnih obaveza BiH, te, svoje poslovanje vrši putem Trezora BiH.

Tako su za naredni srednjoročni period kroz budžetski zahtjev(Instrukcija broj 1) planirani, osim tekućih izdataka, i kapitalni izdaci za okončanje započetih projekata i pokretanje novih. Finansiranje izgradnje novih administrativnih kapaciteta za smještaj i rad zaposlenih, nabavka nove i modernizacija postojeće opreme, te rekonstrukcija objekata na graničnim prelazima u narednom trogodišnjem periodu predviđena je iz Budžeta BiH.

Izgradnju prioriternih objekata na graničnim prelazima sa Republikom Hrvatskom, Gradiškom i Svilaž Uprava će obezbijediti, pored budžetskih sredstava, i dijelom iz sredstava UMTS (Univerzalni mobilni telekomunikacioni sistemi) a prema odlukama Savjeta ministara.

Pored navedenog, određena kapitalna ulaganja finansirat će i Evropska komisija kroz IPA projekte (završetak softverske aplikacije za tranzitni provoz u iznosu od 3,3 miliona KM, izgradnja carinske laboratorije). Detaljan prikaz finansijskih sredstava dat je u Akcionom planu srednjoročnog plana rada UINO (Prilog 3).

- *Jačanje organizacionih kapaciteta potrebnih za izvršenje plana*

Obezbijediti ažurnost u donošenju podzakonskih propisa iz oblasti indirektnog oporezivanja. Implementirati Pravilnik o unutrašnjoj organizaciji u UINO i obezbijediti popunu sistematizovanog broja izvršilaca radi omogućavanja uspostave pune funkcije svih organizacionih jedinica UINO, prvenstveno popunu novih organizacionih jedinica (analiza rizika, interna revizija, profesionalni standardi, analitika i strateško planiranje) bez premještanja izvršilaca iz drugih organizacionih jedinica i remećenje procesa rada

u tim organizacionim jedinicama. Poboljšati uslove rada na graničnim prelazima i carinskim ispostavama i obezbijediti objekat za sjedište UINO i RC Banja Luka.

Poglavlje 6: Okvir za praćenje provođenja plana i evaluaciju rezultata

- *Definisanje ključnih pokazatelja*

UINO će na osnovu Akcionog plana Srednjoročnog plana rada UINO sačinjavati za svaku godinu godišnji plan rada sa svim elementima koje sadrži Akcioni plan rada srednjoročnog plana rada UINO u kojem će razraditi aktivnosti po projektima utvrđenim za ostvarenje programa, odnosno cilja. Godišnji plan rada za narednu godinu UINO podnosi najkasnije do 30.10. tekuće godine na odobravanje Upravnom odboru.

Realizovanje postavljenog cilja (srednjoročnog i specifičnog) se prati kroz pokazatelje uspjeha za mjerenje stepena dostizanja cilja koji će nam dati informaciju o očekivanom stanju, dok se realizovanje programa prati kroz pokazatelje rezultata kojim mjerimo izlazne rezultate (npr. da li smo izvršili aktivnost ili ne).

Srednjoročni cilj UINO - Uspostava efikasnog sistema indirektnih poreza u Bosni i Hercegovini. Pokazatelj uspjeha je nivo podrške fiskalnoj održivosti BiH, entiteta i Brčko Distrikta koji se mjeri kroz procenat udjela raspoređenih indirektnih poreza po korisnicima prihoda u odnosu na prethodnu godinu/ utrošena sredstva za njihovo prikupljanje.

Specifični cilj 1.1. – Implementacija efikasnog i učinkovitog prikupljanja indirektnih poreza

Pokazatelj uspjeha je nivo prikupljenih sredstava na jedinstvenom računu u odnosu na plan naplate/ utrošena sredstva za njihovo prikupljanje.

Program 1.1.1. - Naplata indirektnih poreza

Pokazatelj rezultata je nivo naplaćenih sredstava u odnosu na prethodnu godinu.

Specifični cilj 1.2. Obezbjeđivanje uslova za efikasniju naplatu indirektnih poreza

Pokazatelj uspjeha je finansijski efekat naplate indirektnih poreza nakon poboljšanja uslova rada (digitalizacija i pojednostavljenja poslovnih procesa, popunjenost kapaciteta, opremljenost) / utrošena sredstva.

Program 1.2.1. Upravljanje, održavanje i modernizacija Uprave

Pokazatelj rezultata je nivo smanjenja troškova poslovanja /prikupljene prihode

Specifični cilj 1.3. Osiguranje makroekonomske stabilnosti i unaprjeđenje zakonskog okvira i sistema raspodjele indirektnih poreza

Pokazatelj uspjeha je nivo ostvarenja ciljeva UINO u odnosu na plan aktivnosti.

Program 1.3.1. Kreiranje politike indirektnog oporezivanja

Pokazatelj rezultata je finansijski efekat primjene propisa i/ili mjera u oblasti indirektnih poreza.

- *Metodi za prikupljanje informacija o pokazateljima*

UINO prati realizovanje pokazatelja rezultata utvrđenih po svakoj planiranoj aktivnosti (projekat) o čemu sačinjava godišnji izvještaj o realizaciji planiranih aktivnosti i nivou izvršenja određenih ciljeva. Izvještaj dostavlja Upravnom odboru na razmatranje najkasnije do 01.02. tekuće godine za prethodnu godinu. Izvještaj će omogućiti evaluaciju napretka u ostvarivanju aktivnosti iz godišnjeg plana rada i ostvarivanja ciljeva postavljenih Srednjoročnim planom rada UINO i omogućiti analizu adekvatnosti programa-aktivnosti koji su utvrđeni za ostvarivanje cilja. Upravni odbor provodi ocjenu uspješnosti UINO u postizanju ciljeva definisanih u srednjoročnom planu rada UINO.

- *Osnovni zaključci prethodnog Izvještaja o provođenju plana rada*

Izvještaj o radu UINO za 2014. godinu nije kompatibilan sa Srednjoročnim planom rada UINO za period 2016.-2018. godina s obzirom da se radi o novom dokumentu, ali navodimo rezime izvještaja o radu za 2014. godinu kao pokazatelj rezultata za buduća poređenja i analize napretka i pokazatelja rezultata uspjeha u realizovanju aktivnosti planiranih Srednjoročnim planom rada i godišnjim planom rada UINO.

Zaključak iz Izvještaja o radu UINO za 2014. godinu

Aktivnosti UINO provedene u 2014. godini rezultirale su naplatom prihoda u iznosu od 6 milijardi i 241 milion KM, što je za 6,09% više u odnosu na 2013. godinu i za 3,75% više u odnosu na plan od 6 milijardi i 15 miliona KM. Ovakom povećanju naplate prihoda, između ostalog, doprinijele su i izmjene i dopune propisa u oblasti indirektnih poreza koje su usvojene na prijedlog Upravnog odbora UINO i koje je UINO dosljedno provodila. Takođe, ovim aktivnostima je doprinijelo i implementiranje Pravilnika o unutrašnjoj organizaciji kojim su u punu funkciju stavljene organizacione jedinice u čijem djelokrugu rada je kako poboljšanje radne discipline i analiza izvršavanja radnih zadataka i kvalitet poslovnih procesa, tako i poboljšanje kontrolne funkcije kroz uvođenje analize rizika, što je generalno doprinijelo jačanju poreske discipline obveznika indirektnih poreza. Ostvarenju ovakvih rezultata rada UINO značajno je doprinijelo i provođenje mjera usvojenih od strane Upravnog odbora UINO.

U UINO je tokom 2014. godine posebna pažnja posvećena naplati dugovanja indirektnih poreza u čemu je značajan napredak postignut kroz javno objavljivanje dužnika, što će svakako doprinijeti poboljšanju procenta naplate dugovanja i u narednom periodu.

I pored činjenica da je UINO u 2014. godini ostvarila najbolje rezultate u naplati prihoda od indirektnih poreza od njene uspostave do danas, UINO je svjesna da i pored svih preduzetih mjera i dalje postoje određene slabosti u pojedinim segmentima djelovanja koje su identifikovane i na čijem otklanjanju će se usmjeriti aktivnosti UINO u 2015. godini.

Prilog 3: Akcioni plan srednjoročnog plana rada institucije

Prilog 4: Okvir za praćenje srednjoročnog plana

Broj: 02-2-1452-1/15

Datum: 07.08.2015. godine

DIREKTOR

Dr. Miro Džakula